



DIE ÖSTERREICHISCHEN
RECHTSANWÄLTE

Savezno ministarstvo pravde informira:

Dežurna služba advokata („dežurni telefon advokata za hitne slučajeve“)

Svaka okrivljena osoba u krivičnom postupku ima pravo izabrati braniteljku/branioca (§ 58. Zakona o krivičnom postupku).

Vi ste uhapšeni kao okrivljenik/okrivljenica u krivičnom postupku ili na osnovu Evropskog naloga za hapšenje ili na osnovu molbe za izručenje ili ste privedeni u svrhu promptnog saslušanja. Ukoliko se izričito ne odreknete tog prava, morate imati prije Vašeg saslušanja mogućnost da obavijestite braniteljku/branioca, da se s njom/s njim posavjetujete te da je/ga opunomoćite. U tu svrhu je Austrijska skupština advokatske komore sporazumom sa Saveznim ministarstvom pravde osnovala dežurnu službu advokata („dežurni telefon advokata za hitne slučajeve“). Ukoliko ne imenujete braniteljku/branioca po sopstvenom izboru, putem dežurne službe možete stupiti u kontakt s „dežurnom braniteljkom“/s „dežurnim braniocem“. Dežurnu službu možete kontaktirati pod slijedećim uslovima:

Dežurna služba pruža telefonsko savjetovanje, a po zahtjevu okrivljenice/okrivljenika i lični razgovor s advokaticom/advokatom, po potrebi i advokatsko zastupanje prilikom saslušanja (§§ 164. ili 174. stav 1. Zakona o krivičnom postupku) kao i ostale radnje potrebne za svrsishodnu odbranu (npr. podnošenje zahtjeva za postavljanje branioca po službenoj dužnosti na sudu itd.). Austrijska skupština advokatske komore je u tu svrhu osnovala dežurni telefon („hotline“) koji dnevno radi od 0.00 do 24.00 sata a putem kojeg se odmah može dobiti veza sa advokaticom/advokatom.

Punomoć koju ste izdali u okviru dežurne službe smatra se opozvanom čim ste pušteni iz pritvora ili čim Vam je određen istražni pritvori/pritvor zbog izručenja ili predaje. Svakako imate mogućnost da i nakon tog trenutka opunomoćite advokaticu/advokata.

Za prvo telefonsko savjetovanje s braniteljkom/braniocem nemate nikakve troškove!

U telefonskom razgovoru dobit ćete i konkretne informacije o vrsti, opsegu i eventualnim troškovima usluga koje pruža dežurna služba advokata.

Zastupanje od strane braniteljke/branioca iz dežurne službe prilikom policijskog saslušanja svakako je besplatno, ukoliko ste

- slijepi, gluvi, nijemi ili na neki drugi način slično hendikepirani ili ukoliko bolujete od psihičkog oboljenja ili od usporedive bolesti (§ 61. stav 2. broj. 2. Zakona o krivičnom postupku) ili ukoliko

ste maloljetni (14-17 godina)¹, a

- ne možete si priuštiti braniteljku/branioca po sopstvenom izboru.

U takvom slučaju možete zahtjevati da Vam se dodijeli braniteljka/ branilac iz dežurne službe.² Ukoliko ste maloljetni, ne možete se odreći prava na pozivanje dežurnog branioca. Međutim, obratite pažnju na to da ste u slučaju krivog navođenja prema kojem niste u stanju priuštiti si braniteljku/branioca po sopstvenom izboru, obavezni vratiti troškove za advokata!

Hotline: 0800 376 386

¹ Maloljetna je osoba koja je navršila 14. godinu života, ali još ne 18. godinu života. 14. godina života navršava se tek tokom 14. rođendana. Stoga se smatra da je osoba maloljetna od 0 sati na dan nakon 14. rođendana do 24 sati na dan 18. rođendana.

² Svakako besplatno je zastupanje od strane braniteljke/branioca iz dežurne službe prilikom saslušanja o uslovima istražnog pritvora odnosno o pritvoru zbog izručenja ili predaje u slučajevima kada niste u stanju platiti troškove braniteljke/branioca po sopstvenom izboru. Ako ste maloljetni, onda to važi i u slučajevima kada bi obaveza plaćanja troškova branioca otežala Vaš napredak ili kada su ostvareni uslovi iz § 61. stav 2. prva rečenica Zakona o krivičnom postupku.